

Ի չորրորդ ամի իշխանութեան Հազարացւոյ մեռաւ և Սօփրոնիոս Պատրիարքն Յունաց Երուսաղէմի եւ Յոյնք ոչ կարացին դնել զոք 'ի տեղի նորա յերկիւղէ Հազարացւոյ . այլ տեղապահք ոմանք կառավարէին զաթոռն , որպէս պատմէ Մակարիոս Յոյն Պատրիարքն Անտիոքայ , թէ յերրորդ Ժողովին Կոստանդնուպօլսի , որ ասի վեցերորդ տիեզերական սիւնհոդոս , գումարեալ յամի Տեառն (680) , յորում նշովիւք մերժեցին զՄիակամեայս , և հաստատեալ ընկալան ասել 'ի Քրիստոս գերիւս կամս և գերկուս ներգործութիւնս , գտան Պետրոս երէց փոխանորդ Պատրիարքին Ալէքսանդրեայ . Գէորգ երէց . (որ յետոյ Պատրիարք եղեւ Անտիոքայ) , եւ Թէոդորոս վարդապետ փոխանորդ Պատրիարքին Երուսաղէմի , զի 'ի սմին Ժամանակի ասէ աթոռքն Երուսաղէմի եւ Ալէքսանդրեայ էին առանց Պատրիարքի յերկիւղէ Հազարացւոյ : Գլք 76-79 :

Ապա 'ի փոխիլ թուականին Տաճկաց ԴԾ (684) կալաւ զաթոռ խալիֆայութեան Հազարացւոյ Ապտիւլ Մէլիք որդի Մրվանայ 'ի Դամասկոս : Սա եղեւ հեղինակ հատանելոյ զգրամս յոսկոյ և յարծաթոյ յանուն Իսլամաց , որ մինչեւ ցայն վայր 'ի կիր առնուին զգրամս Հռոմայեցւոյ և Յունաց . և խոստացաւ առնել գիրութիւն հպատակաց իւրոց : Եւ յերկրորդ ամի իշխանութեան իւրոյ եհան հրովարտակ առ ամենայն Իսլամս , և հաճութեամբ նոցին բուկիզքն արար մեծամեծ ծախիւք շինել զմզկիթն յերուսաղէմ , զոր շինեալ էր Օմար յառաջագոյն 'ի վերայ Սախայ կոչեցեալ վիմին , 'ի տեղի տաճարին Սողոմոնի , որպէս ասացաք 'ի նախընթաց գլուխն , զի շէր բառական այն բովանդակել և պատսղարել զԻսլամս յարեւոյ և յանճրեւոյ . և յետ աւարտելոյ զայն՝ կանգնեաց գմբէթ մեծակառոյց եւ փառաւոր 'ի վերայ նորա , նորոգեաց նաեւ զմզկիթն Աբու կոչեցեալ 'ի նմին տեղւոջ , յորս աշխատեղեն ճարտարապետք և բազմաթիւ գործաւորք , զորս բերեալ էր յայլ և այլ քաղաքաց . եւ 'ի պէտս ծախուց շինութեան սոցա սահմանեալ էր զեօթնամեայ հարկս Եգիպտոսի . և 'ի լրանալ գործոյն զարդարեաց զնոսա պէս պէս յօրինուածովք , ոսկեղէն և արծաթեղէն ջահիւք և բլբլաւոր կանթեղօք , զորս լուցանէին յաւուրս հանդիսի աօնից իւր-